



9(47.925)

ԿՈՐԻԻՆ ՎԱՐԴԱՊԵՏԻ

ՊԱՏՄՈՒԹԻՒՆ

ՍՐԲՈՅՆ ՄԵՍՐՈՎԲԱՅ



Ի ՎԵՆԵՏԻԿ

Ի Տպարասնի Մխիթարեանց

ՌՅԳ - 1854

72-0012

27133-к.2

386-42



6109-57

ՊԱՏՄՈՒԹԻՒՆ ՎԱՐՈՒՑ

ԵՐԱՆԵԼԻՈՅ

ՍՈՒՐԲ ՎԱՐԴԱՊԵՏԻՆ

ՄԵՍՐՈՎԲԱՅ

ԶՈՐ ԱՍԱՅԵԱԿ Ի

ՆՈՐԻՆ ԱՇԱԿԵՐՏԻ ԿՈՐԵԱՆ



ԶԱՍԻԱՆԱԶԵԱՆ ազգին և զՀայ-
աստան աշխարհիս զաստուածա-
տուր շնորհս, զգրոյն գիււա, և ըզ-
վարդապետութեանն պարգեւ 'ի
տեառնէ տուեալ, թէ յորում թա-
մանակի և որպիսի արամբ լուսաւոր
վարդապետութեամբ պատմեսցուք
ձեզ, և զնորին հրեշտակակրօն վարս
առաքինութեան:

Էր այրս այս Մեսրովք 'ի Տա-
րաւն գաւառէ, 'ի Հացեկաց գեղ-
ժԱ.

ջէ, որդի Վարդանայ. 'ի մանկու-
 թեան աստիս վարժեալ հելլենա-
 ցւոց դպրութեամբն, և եկեալ 'ի
 դուռն Արշակունեաց թագաւո-
 րացն Հայոց, կացեալ յարքունա-
 կան դիւանին, լինէր սպասաւոր
 արքայատուր հրամանին: Եւ հմուտ
 եղեալ աշխարհակեաց վարուց 'ի
 զինուորական կարգս և յառաջա-
 դէմ և սիրելի էր ամենեցուն մե-
 ծամեծաց և փոքունց, իմաստու-
 թեանն առաջնորդեալ յիրաւունս
 ամենայն:

Յետ այսորիկ 'ի ծառայութիւն
 Աստուծոյ մարդասիրի դարձեալ,
 մերկանայր յինքենէ զամենայն ըզ-
 բազմունս, և առեալ զխաչն սար-
 ծանաց ըստ աւետարանական հրա-
 մանին ելանէր զկնի ամենակեցոյց
 խաչելոյն Քրիստոսի: Եւ հաճեալ
 զհրամանաց սլայման, 'ի խաչակիր
 գունդն Քրիստոսի աշակերտացն
 խառնի. և զկրօնս միանձանց յանձն
 առեալ յաւէտ կրօնաւորէր: Եւ
 բազում և ազգի ազգի վշտակցու-
 թիւն ըստ աւետարանին կրէր. և

ամենայն կրթութեան հոգեւորացն
 զանձն տուեալ՝ կրօնաւորէր 'ի քաղց
 'ի ծարաւ, 'ի ցուրտ և 'ի մերկու-
 թիւն. խոտաբուտ եղեալ, խարազ
 աղգեստ և գետնատարած անկող-
 ոք, և զհանգիստ քնոյ գիշերոյ
 յտանաւոր տքնութեամբ 'ի թօթա-
 թիւն ական վճարէր բազում ան-
 դամ. և զայս առնէր ոչ սակաւ ժա-
 մանակս: Եւ գտեալ զոմանս զգաս-
 տասէրս յինքն յարեցուցանէր, ա-
 շակերտել նմին աւետարանական
 կրօնաւորութեանն: Եւ ամենայն
 կործութեանց 'ի վերայ հասելոց
 կամայական քաջութեամբ տա-
 ռեալ, և նովիմբ լուսաւորեալ և
 պայծառացեալ 'ի հանգէս ճգնա-
 ւորական հաճոյ Աստուծոյ և մարդ-
 կան երեւեալ:

Առեալ այնուհետեւ երանելոյն
 զաշակերտեալն իւր՝ երթայր 'ի
 Գողթն. որում ընդ առաջ լինէր
 Եղիանն Շամբիթ, և սիրով ընդու-
 նէր որպէս զճառայ Աստուծոյ
 բարձրելոյ. և բարեպաշտութեամբ
 սպասաւորէր ըստ աշակերտական

հաւատոցն 'ի Քրիստոս : Իսկ երանելոյն անդէն վաղվաղակի զվարդապետական շնորհսն 'ի մէջ առեալ ուսուցանէր զքնակիչս քաղաքին և գաւառին , կամաւ իշխանին մատակարարութեամբ : Զի էր ինչ 'ի նոսա 'ի հեթանոսական սովորութեանցն , զորս գարձուցանէր 'ի գիտութիւն ճշմարտութեան , և զամենեսեան լուսաւորէր շնորհաց բանիւն : Յորոյ 'ի ձեռն մեծամեծ սքանչելիք երեւեալ , գիււայ՝ կերպ 'ի կերպ լինելով զաղաղակ բարձեալ յամենեցուն լսելիս հնչեցուցանէին զհալածանս իւրեանց , անկանելով 'ի կողմանս Մարաց : Վասնորոյ առաւել ունկնդիր լինէին աշակերտեալքն հոգեկրօն վարդապետին , վասն հաւատոց և վարուց որ նոցա աւանդեցաւ 'ի սուրբ հարց մերձաւորաց Քրիստոսի գրովք սրբութիւն :

Բայց զի ոչ էր գիր հայերէն լեզուիս՝ բազում պակասութիւն լինէր ճշմարտութեան աւանդիցն առ աշակերտեալսն . իսկ երանելի վար-

դասպետն տարակուսեալ 'ի խոր-
 հուրդս իւր՝ առ Աստուած ապա-
 շինէր, որ կարողն է յամենայնի,
 ցուցանել զգիր հայ լեզուիս, որով
 նուազութիւնն յառաւելութիւն
 դայցէ գրով: Եւ յարուցեալ այ-
 նուհետեւ հասանէր առ սուրբն
 Սահակ հայրապետն հայոց՝ յա-
 ղագս գրոյ նշանագրաց. եգիտ
 զնա առաւել եւս փափաքող
 այնմ: Եւ յեա բազում ջանից և
 աշխատութեանց և ոչ ինչ օգտելոյ,
 դարձեալ յաղօթս ապաւինելով
 յԱստուծոյ խնդրէին որում ցան-
 կային: Եւ մեկնեալ 'ի միմեանց, և
 յանձն առեալ զխստամբերութիւն՝
 ճգնէին առաւել քան զառաւելս:
 Եւ յեա այսորիկ ծանուցեալ լի-
 նէր 'ի թագաւորէն Առամշապհոյ,
 որ և նա այսմ նախանձայոյզ ե-
 ղեալ, առաքեն զՄեսրովբ աշա-
 կերտօքն հանդերձ 'ի Միջագետս
 Ասորոց: Եւ երթեալ նորա խու-
 ղէր ուր ուրեք իմաստասիրաց համ-
 բաւեր գիտութիւն: Եւ հանդի-
 պեալ Դանիէլի ումեմն եպիսկոպո-

սի Ասորւոց առաքինւոյ, որ ասաց
 նմա ցուցանել զնշանագիրս՝ որում
 ցանկայրն : Եւ յետ բազում աշխա-
 տութեանց և քննութեանց և ուս-
 մանց՝ անշահ մնացեալ, զի ոչ բե-
 րէր զբառս և զբանս ալփաիւտացն
 ըստ հայերէն լեզուիս :

Յայնժամ հաւատով առ Աս-
 տուած ապաւինի, և աղօթս արտա-
 սուալիցս առ Աստուած մատու-
 ցանէր, և հայցէր յամենեցունց
 տեսանէն զտիւ և զգիշեր՝ ցուցա-
 նել զփափաքելին նշանագրաց : Եւ
 տեսանէր ոչ ՚ի քուն, երազ և ոչ
 յարթնութեան տեսիլ, այլ ՚ի սրբ-
 անն գործարանի՝ երեւութացեալ
 հոգւոյն աչաց՝ թաթ ձեռին աջոյ,
 գրելով ՚ի վերայ վիմի. զի որպէս ՚ի
 ձեան վերջք գծին ունէր քարն, և
 ոչ միայն երեւութացաւ, այլ և
 հանգամանք ամենայնիցն՝ որպէս
 յամանի ՚ի միտս նորա հաւաքե-
 ցաւ : Եւ յարուցեալ յաղօթիցն՝
 եստեղծ զնշանագիրս մեր հանդերձ
 Ռուփինոսիւ աշակերտիւ Եսլիփա-
 նու, որ ՚ի Սամոս էր միայնակեաց :

Երպաճեւեալ զգիրն ըստ հրամանի
Մեսրովբայ վարդապետին և երա-
նելոյ, փոխադրելով ըստ հայերէն
ստանալթաքութեան սիղոբայից
հելլենացոց :

Եւ իսկոյն 'ի թարգմանութիւնս
ձեռնարկեալ խորհրդաբար սկսա-
նելով յԱռակաց իմաստնոյն Սողո-
մոնի, բովանդակեալ զքսան և եր-
կուց յայտնիսն, զհին կտակարանսն
լեզուէ 'ի հայ բան : Եւ աշակերտք
խորա Յովհան և Յուսէփ 'ի նոյնս
պատ լինէին : Եւ զարուեստ գրը-
թեանն ուսուցանէր մանկագոյն
աշակերտացն :

Ընդ այն ժամանակս թագաւո-
րեաց Թէոդոս փոքր : Եւ եկեալ է-
րանելոյն Մեսրովբայ հայոց վար-
դապետի, և բերեալ զնշանագիրս
մերոյ լեզուիս առ սուրբն Սահակ
հայոց, և առ թագաւորն հայոց
Վռամշապուհ, յոյժ ուրախ լի-
նէին որպէս ընդ տախտակս աս-
տուածագիծս . և գոհութիւն և
փառս ամենեցունց արարչին մա-
տուցանէին զնորոգատուր պարգե-

ւացն որ տուաւ նոցա 'ի վերուստ :
 Եւ ժողովեալ մանկունս ուշեղս և
 քաջուամունս, փափկաձայնս և յեր-
 կարողիս, և դպրոցս կարգեալ յա-
 մենայն դաւառս և 'ի գեւղս հրա-
 մանաւ սուրբ հայրապետին և թա-
 դաւորին, ուսոյց զքնաւ ամենայն
 աշխարհս հայոց : Երթեալ և յաշ-
 խարհն Աբաց երանելի այրն Աստու-
 ծոյ առնէ և նոցա նշանագիրս ըստ
 տուեցելոյ 'ի նմա 'ի վերուստ շնոր-
 հացն Աստուծոյ . և վարդապետս
 թողեալ անդ 'ի քաղաքաց քաղաքաց
 ուսուցանել զմանկունս նոցա : Եւ
 ինքն յԱղուանս երթեալ և անդ նորո-
 գէր ըստ նմին օրինակի զնշանագիրս
 և զուսումնասիրութեանն աւանդս,
 և վարդապետս թողեալ անդ գառ-
 նայր 'ի Հայս : Եւ գտանէ զսուրբն
 Սահակ հայրապետ 'ի թարգմանու-
 թեան սարապեալ շնորհօքն Բրիտ-
 տոսի յասորւոյն, ոչ լինելով յու-
 նի . զի 'ի Մերութանայ այրեալ էին
 յոյն գրեանն հանուր աշխարհիս :
 զի 'ի բարժանել զաշխարհս հայոց
 չտային Պարսկաց վերակացութն յոյն

ուսմէք ուսանել զգարութիւն իւրեան մասին, այլ միայն ասորի : Սասն որոյ յոյժ տարակուսեալ լինէին սուրբ հայրապետքն Սահակ և երանելին Մեսրովք . և գնացին ըզտողմամբք արեւմտից վիճակին իւրեանց 'ի մասն Յունաց :

Եւ առաքէ սուրբն Սահակ ըզՄեսրովք առ կայսր Թէոդոս և առ հայրապետն Ատտիկոս հանդերձ թղթովք, և թոռամբն իւրով Վարդանաւ, զգացուցանել նոցա զգալուսան իւրեանց . և զինդունիցին բնակիչք աշխարհիս զնոր ուսումն վարդապետութեանս հայոց : Որոց հանդիպեալ զօրավարին Անատոլեայ, ոչ փոքր ինչ արար ընդունելութիւն նոցա, զի յառաջագոյն լուեալ էր զլուր առաքինութեան երանելեացն Սահակայ և Մեսրովքայ . և 'ի ձեռն թղթոց յառաջագոյն զգացուցաներ կայսեր . և առնու հրաման արժանապէս առաքել և բարեփառութեամբ յուղարկել 'ի Բիւզանդիոն : Եւ յանդիման եղեալ թա-

գաւորին և հայրապետին , և ձեռնադրեցին զՄեսրովք Եկեղեցիկապետի . և գրեցին զնա ընդ առաջին երանելի վարդապետան :

Եւ գարձան հանդերձ թղթովք , և եկեալ հանդիպէին սրբոյն Սահակայ , և զօրավարին Անատոլեայ : Որոց ընկալեալ զթուղթս և զհրամանս՝ յոյժ ուրախ եղէն և փառաւորութիւն ամենեցուն տեառն և Աստուծոյ հատուցին : Եւ փութայլ վաղվաղակի զհրամանսն կատարել , և առաքէ ՚ի գաւառս և ՚ի քաղաքս հայոց որ ընդ իշխանութեամբն կայսեր , ժողովեալ բազմութիւն մանկաւոյ ՚ի տեղիս տեղիս , և դարմանս և սոճիկս կարգէր յարքունուսս , որպէս զի անզբաղապէս ուսցին . յորս և երանելին Մեսրովք զլուսաւոր վարդապետութեանն ՚ի գործ արկեալ զժողովեալ մանկունսն ուսուցանէր զնշանագիրն . և վարդապետս կացուցանէր աշակերտացն , զի առ փոքր փոքր զնոսս ՚ի կատարումն ուսմանն ածիցեն :

Յետ այնորիկ ձեռն արկանէր ըզ-

Ժպիրհ և զկամաւոր աղանդն բոր-
 յորիանոսացն քննել . և որք ոչն
 զային յուղղութիւն հաւանական
 բանին՝ սաստկագոյն խոշտանդանօք
 պատուհասէին ՚ի բանդ և ՚ի կա-
 պանս , և յայլ ինչ տանջանարանս .
 իսկ յորժամ այնու եւս պակա-
 սեալք ՚ի փրկութենէ գտանէին Աս-
 տուծոյ ատելիքն , ապա խանձեալս
 և մրեալս և պէսպէս խայտառակա-
 յօք հալածէին յաշխարհէ : Իսկ ե-
 բանելին զիւր վարդապետութեանն
 պայման արարեալ , սկսեալ և վճա-
 րեալ , և բազում շնորհագիր մա-
 տեանս զհարց եկեղեցւոյ ստացեալ
 ծովացուցանէր զվարդապետու-
 թեանն խորութիւն . և լքեալ զեղոյր
 զամենեքումք ՚ի բնակիչս աշխարհին
 հոգեւոր վայելչութեամք ՚ի փառս
 ամենասուրբ Երրորդութեանն : Եւ
 յանձն արարեալ զամենեւեան ա-
 մենասպահ շնորհացն Աստուծոյ՝ ինքն
 դառնայր ՚ի կողմանս հայոց , և շրք
 ջեր զամենեքումք , հաստատէր զա-
 շակերտեալսն ՚ի ճշմարտութեանն
 հաւատան : Եւ եկեալ հանդիպէր

սրբոյն Սահակայ, և պատմեալ զե-
զեալսն առ 'ի նմանէ, և միաբան
օրհնեցին զԱստուած 'ի վերայ 'նո-
րոգասուր պարգեւացն տուելոց
'նոցա 'ի վերուստ :

Յետ այսորիկ ուշ եդեալ երկո-
ցունց երանելեացն զիւրեանց ազգի
զգարուծիւնն առատացուցանել և
առաւելուլ 'ի թարգմանել և 'ի
դրել ըստ յաջողութեանն Աստու-
ծոյ : Այսն որոյ առաքեն երկուս
յաշակերտացն 'ի քաղաքն Նդե-
սեայ զՆզնիկ և զՅովսէփ, զի յա-
սորի բարբառոյն զսուրբ գիրս 'նոր
թարգմանեսցեն 'ի հայ լեզու, և
դրով աւանդեսցեն իւրեանց աշ-
խարհիս : Իսկ 'նոքա եկեալ կատա-
րեցին զհրամայեալսն, և 'ի ձեռն
հաւատարիմ եղբարց առ պատուա-
կան հարս իւրեանց առաքեցին ըզ-
դրեանն, և ինքեանք անցեալ գնա-
ցին 'ի կողմանս Յունաց 'ի քաղաքն
Բիւզանդիոն յուսումն իմաստասի-
րութեան, որ և ուսեալ և տեղե-
կացեալք՝ թարգմանիչք եղեալք
ըստ հելլենիականի լեզուին :

Ապա յետ ժամանակի ինչ ընդ
 անցանեւոյ, դէպ լինէր եղբարց
 ամանց 'ի հայաստան աշխարհէս եր
 թալ 'ի կողմանս Յունաց 'ի քաղաքն
 Կոստանդնուպոլիս, որոց անուանքն
 էին միումն Ղեւոնդ և միւսումն
 Կորիւն. և երթեալք յարին յԵզ
 րէկն, իբր առ ընտանի և սննդակից
 իւրեանց եղբայրութեանն. և ան
 դէն միաբանեալ զհոգեւոր պիտոյ.
 Եցն խնդիր վճարէին: Յորոց յետ
 այնորիկ հաստատուն օրինակօք աս
 տուածատուր գրոցն և բազում
 շնորհագիր հայրապետացն աւան
 դութեամբք և Նիկիայ և Եփեսոսի
 սուրբ ժողովոցն կանոնութիւն դար
 ձեալ լինէին յաշխարհն հայոց և 'ի
 հայրենիս իւրեանց. և առաջի դը
 նէին սուրբ հարանցն զբերեալ կը
 տակարանսն եկեղեցւոյ սրբոյ:

Իսկ երանեւեացն սրբոյն Սահա
 կայ և Մեսրովբայ զեկեղեցական
 զգրոց զգումարութիւնն կանխաւ 'ի
 յունարէն բարբառոյ 'ի հայերէն
 թարգմանեալ, և զբազումն և զհայ
 րապետացն սրբոց ճշմարտապա

75-5019

տում իմաստուածիւնս յօրինեալ 'ի
 հայ լեզու : Գարձեալ յետ այսո-
 րիկ առեալ հանդերձ Եղնկաւ զյա-
 ռաջագոյն զյանկարծագիւտ զլիու-
 թանակի թարգմանեալն՝ հաստա-
 տէր ճշմարիտ օրինակօքն բերելովք .
 և շատ եւս այլ մեկնութիւնս գրոց
 սրբոց թարգմանէր ըստ հայերէն
 նշանագրացն : Եւ այնպէս զամե-
 նայն ժամանակս իւրեանց ընթեր-
 ցուածոց գրոց սրբոց սլարասէին
 երանելի սուրբ հարքն զաիւ և զգի-
 շեր . և նովին ծաղկեալք և շահա-
 ւետեալք՝ օրինակ բարեաց ուսմա-
 սիրաց առնթերակացն լինէին . մա-
 նաւանդ զի ունէին եւս զսլատուի-
 րական զգուշացուցիչսն յաստուա-
 ծակարդ սլատգամաւորացն . յորոց
 առաջինն սլատուիրէ յօրէնս տեառն
 խորհել 'ի տուէ և 'ի գիշերի . և եր-
 կրորդն ասէ . Միտ գիր ընթեր-
 ցուածոց գրոց միսիթարութեան ,
 վարդասպետութեան . մի անփոյթ
 առնէր զչնորհացդ որ 'ի քեզ են .
 յայդ խորհեաց և 'ի գոյն կանխես-
 ջիր , զի քո յառաջագիմութիւնդ

ամենեցուն յայանի լիցի . զգոյշ
լինիջիր անձինդ , և 'ի դժին յա-
մեսջիր . զայդ եթէ առնիցես , և
զանձն ապրեցուցես և զայնոսիկ որ
քեզն լուիցեն :

Ապա դարձեալ յետ այնպիսի
լուսաւոր վարդապետութեանն ,
սկսեալ երանելոյն Մեսրովբայ
ճառս յաճախագոյնս , դիւրապա-
տումս , շնորհագիրս , բազմագիմիս 'ի
զօրութենէ և 'ի հիւթոյ դրոց մար-
դարէականաց և առաքելականաց
կարգեալ և յօրինեալ լի ամենայն
ճաշակօք աւետարանական հաւա-
սոցն ճշմարտութեան . յորս բա-
զում նմանութիւնս և օրինակս 'ի
յանցաւորացս աստի առ ճշմարտու-
թիւնն բերելով , առաւելագոյն
վասն յարութեանն յուսոյն առ
հանդերձեալսն յերիւրելոյ նկա-
րեաց . զի հեշտընկալք և դիւրա-
հասոյցք տխմարագունացն և մար-
մնական իրօք զբաղելոցն՝ ուսցին
սթափել , և 'ի զուարթացուցանել
և հաստահիմն առ 'ի խոստացեալ
աւետիան քաջալերել : Եւ այսպէս

ընդ ամենայն կողմանս Հայոց և
 Վրաց և Աղուանից զամենայն ժա-
 մանակս կենաց իւրոց զամառն և
 զձմեռն զաիւ և զգիշեր՝ անվեհեր և
 առանց յասպալելոյ զնորոգագիր՝
 վարդասպետութիւնն ուսուցանէր :
 Եւ իւրովի իսկ ճանասպարհորդեալ
 աւետարանական և ողջասպառուին
 բանիւ յաղագս հաւատոյ և վարուց
 առաջի թագաւորաց և իշխանաց և
 ռամկաց, անընդդիմաց ՚ի հակառա-
 կորդաց ըստ տուելոյ նորա ՚ի վե-
 րուստ շնորհի՝ ուսուցանէր ՚ի փառս
 և ՚ի գովութիւն Աստուծոյ, և զա-
 մենայն ոգի քրիստոսասէրս և ոգե-
 զէնս վառէր . և բազում բանդա-
 կանաց և կալանականաց և տագնա-
 սելոց ՚ի սէսսսէս վտանգից՝ փրկու-
 թիւն ընձեռեաց, կորզելով զա-
 րակուսեալն ահաւորութեամբ զօ-
 րութեամբ փառայն Քրիստոսի՝ ՚ի
 գովեստ փրկութեան աւետարա-
 նին . և բազում մուրհակս անիրա-
 շագիրս սլատառեաց . և զբազում
 սգաւորս և կարճամիտս մխիթա-
 րեաց վարդասպետութեամբն ,

ու աճեաց ակնկալութեամբ յու-
 յոյն 'ի համբերութիւնն ըստ յայտ-
 ութեանն փառաց մեծին Աստու-
 ծոյ և փրկչին Յիսուսի Քրիստոսի .
 զամենայն հաւատացեալս միան-
 յամայն զարս և զկանայս յաստուած-
 պաշտութեանն սլայմանն անդր փո-
 յադրեաց :

Եւ դարձեալ անհամար և գուն-
 դրս գունդս 'ի շէնս և յանշէնս 'ի
 ճշմարտութեանն աւանդս սուրբ
 հարցն հաստատէր 'ի փառս և 'ի
 դովեոտ ամենասուրբ Երրորդու-
 թեանն : Նա և 'ի դաշտականս և
 լեռնականս , անձաւամուտս և լեռ-
 նականս և արդելական , բնակեցու-
 ցեալ կրօնաւորիլ առ 'ի բարեպաշ-
 տութեանն ջանս . զոր ոչ միայն բա-
 նիւք և վարդապետութեամբ , այլ և
 արդեամբք զանձն օրինակ կացու-
 ցանէր միանձանց , հանապազորդ-
 պահօք և աղօթիւք , տքնութեամբ և
 արատաւօք , խոնարհութեամբ և
 հեղութեամբ և կուսութեամբ նա-
 հասակեալ . և ընդդէմ հանապա-
 զորդեան թշնամւոյն քաջապէս ա-

րիացեալ, նա և 'ի պատուոյ և 'ի
 փառաց խուսափեալ, երթեալ սո-
 րամուտ ծակախիթ լինէր, և զառօ-
 րեայ զկեանսն խոտաբուտ ճաշակօք
 վճարէր : Եւ այնպէս վշտացեալ
 տկարութեան զանձն իւր տուեալ
 անհեղգաբար, հայեցեալ 'ի մխի-
 թարութիւն առաքելական խրա-
 տուն, թէ Յորժամ վասն Քրիս-
 տոսի տկարանամ՝ յայնժամ զօրա-
 ցեալ լինիմ. և եթէ Նաւ լիցի ինձ
 մնալ 'ի տկարութեան, զի բնակես-
 ցէ յիս զօրութիւնն Քրիստոսի :

Անդ էր զուարճանալ հոգևով
 ուր ուրէք դադարեալ լինէր. և ոչ
 պայծառանայր գինով, այլ երգօք
 հոգեւորօք 'ի փառս և 'ի գովու-
 թիւն Աստուծոյ. 'ի կրթութիւնս
 միշտ քաղցրուսոյց ընթերցուածոց
 հոգեպատում գրոց քաջալերու-
 թիւնս յորդորականս, լուսաւոր
 կարգաց և տօնից զանձինս ճգնաւո-
 րացն ամենաշնորհ վարդապետու-
 թեամբն զինէր առ 'ի յառաջագէմ
 ընտրութիւն պսակահամբար Քրիս-
 տոսագիր կիտին : Եւ եռայր հոգ-

ւով յաստուած պաշտուածեանն մըր
 ցարան վերին կողմանն, աղերսալի
 աղօթիւք և փարեւի պաղատանօք և
 հաշտելի խնդրուածօք յամենեցունց
 տեառնէն, վասն ամենեցուն կե-
 անացն յաւիտենականաց արժանի լի-
 նել մասին սրբոցն 'ի լոյս: Եւ նո-
 վին հոգեկրօն վարուք կայր յանա-
 պատ տեղիս. մինչ ազգ լինէր իրաց
 ինչ օգտակարաց 'ի կողմանս կող-
 մանս յաշակերտեալն, յայնժամ
 թշանէր յօգնականութիւն և վճա-
 րէր զպէտս պիտոյից՝ ուր հոգեւոր
 կարգաց էր նուազութիւն, շնոր-
 հօքն Քրիստոսի: Եւ յորդորագոյնս
 և պարարտագոյնս անփակ բերա-
 նով և հանձարով իմաստութեամբ
 զվասակս վարդապետութեանն 'ի
 սիրտս սերմանելեացն ծաւալեցու-
 ցանէր. և զայս առնէր զամենայն ժա-
 մանակս իւր երանելի վարդապետն
 հայոց Մեսրովբ: Քանզի սովոր
 իսկ են ճշմարիտ վարդապետք զան-
 ձանց առաքինութիւն կանովն աշա-
 կերտացն առնել. որպէս զՔրիստոսի
 և Աստուծոյ մերոյ է ուսուցանել

ըստ տնօրէնութեանն . քանզի սկը-
 սաւ , ասէ , Յիսուս առնել և ուսու-
 ցանել , և եթէ , Հայեցարուք յա-
 ռաջնորդն հաւատոց և ՚ի կատարիչն
 Յիսուս , որ փոխանակ ուրախու-
 թեանն որ առաջի կայր՝ յանձն էառ-
 զկաջն , արհամարհեաց զամօթ : Եւ
 զինչ այս վշտաց հատուցումն ցու-
 ցանի հաւատացեալ ՚ի Քրիստոս Յի-
 սուս . Նստաւ , ասէ , ընդ աջմէ մե-
 ծութեանն ՚ի բարձունս . աղէ ա-
 ծէք զմտաւ որ այսպիսի համբերու-
 թիւն վասն մեր կրեաց , զի մի աշ-
 խատ լինիցիմք և լքանիցիմք ՚ի վարս
 առաքինութեան . զի ոչ վասն ան-
 ձին ամենատէրն զայս առնէր , այլ
 վասն համաշխարհական փրկու-
 թեանն , յուսումն աստուածասի-
 րաց որ ընդ նոյն ճանապարհորդեն
 ՚ի հանդերձեալն , որ են օրինակ
 ամենայն հաւատացելոց ՚ի Քրիս-
 տոս , որպէս ճառք աւետարանին
 քարոզեն :

Իսկ արդ եթէ ՚ի թեթեւագոյն
 արուեստաւոր և հանճարեղ իմաս-
 տից սոգխտանամք , որ ընդ աստուա-

ծախսօսան կատարէ զչնորհացն ներ-
 գործութիւնն , որում երանելին
 Պաւղոս ամենեցուն ագիտանալ ա-
 սէ , այլ և յուշառնէ զառաջնորդս
 կենաց բանին . Հայեցեալք , ասէ ,
 յեւր գնացից նոցա նմանողք եղե-
 րուք , և յուսմունսս պէսպէս և յօ-
 տարաձայնս մի դանդաչէք , այլ ա-
 ռաքելոց և մարգարէից և երանեալ
 սրբոց հարցն հետեւեալ ճշմարտու-
 թեանն աւանդից զոր նոքայն հոր-
 դեցին զանսայթաք ճանապարհն
 յերկնից արքայութիւնն . և օրինակ
 աշակերտելոցն զհաւատս և զվարս
 բացայայտեցին գրովք սրբովք . եր-
 բեմն առանձինն խրատելով ըստ իւ-
 ըրաքանչիւրոցն օգտի , երբեմն ՚ի ժո-
 ղովս բազմամբօխս զվառս Քրիս-
 տոսի շնորհօք և մարգասիրութեամբ
 տեառն բարձրացուցանէին , և յա-
 մենայն աշխարհակիր զբօսանաց ՚ի
 բաց կալ , և միայն աստուածատաշ-
 տութեան սպարապել . զոր և մար-
 գարէքն և առաքեալքն յառաջա-
 դոյն գուշակեցին ըստ Պաւղոսի վը-
 կայութեանն . Շրջեցան , ասէ , լաշ-

կամաշիօք և մորթովք այժեհօք, կարօտեալք, նեղեալք, չարչարեալք, յանապատի մուրրեալք և յայրս և փասպարս երկրի . և սոքա ամենեքեան վկայեալք 'ի հաւատոցն՝ ստուգեցին զարդարութեան ճանապարհն աշակերտելոցն, որ տանի 'ի կեանսն յաւիտենից :

Ուստի երանելիս այս Մեսրովք բարձեալ բերէր զաւանդելոցն պատիւ 'ի փառս ամենեցունց տեառնն, և զամենայն աշակերտեալսն իւր 'ի նոյն հանդէս յորդորէր . և այնպէս յառաջագէմ ամենայն աստուածահաճոյ վարուք և հաւատոյ վայելչութեամբք լցեալք պատրաստեալք և ամեթացեալք 'ի բազում ժամանակս աշակերտեալք առ 'ի նմանէ, նովին 'ի նոյն կանխեալք և 'ի նմին հանապազորդեալք 'ի փառս ամենասուրբ Երրորդութեանն :

Յայնժամ արք ոմանք հալածեալք 'ի ժողովոյն Եփեսոսի, որում անուն էր Թէոդորոս ըստ Պաւղոսի Սամոստացւոյ և ըստ Նեստորի հերձուածոյն գիրս ստացեալ

համաձայնս պարզամտացն և դիւ-
րահաւանիցն, և եկեալ յաշխարհս
մեր՝ կամէին ուսուցանել զչար ա-
ղանդն: Ասան որոյ ՚ի սուրբ ժողո-
վոյն առաքեալ թուղթս ազգ առ-
նէին ճշմարտահաւատ փառաւոր-
չացն Սահակայ և Մեսրոբայ: Եւ
նոցա ճշմարտապէս փութով զկա-
մակոր հերձուածողսն ՚ի բաց հա-
լածեալ յիւրեանց աշխարհէն, զի
մի ինչ ՚ի լուսաւոր վարդապետու-
թիւնն՝ ծուխ ինչ սատանայական
մերձեցի:

Յետ այնորիկ գէալ լինէր փոխել
յաշխարհէս երանելւոյն սրբոյն Սա-
հակայ հայրապետին հայոց ճշմա-
րիտ վարուք և ուղղափառ հաւա-
տով, լցեալ աւուրբք և երկայնա-
կեաց ժամանակօք վայելչացուցեալ
ղամենայն աշխարհս հայոց ՚ի լու-
սաւոր վարդապետութիւնն, այն-
պէս հանգեաւ ՚ի Քրիստոս, յա-
ռաջնում ամի Երկրորդ Յազկերտի
որդւոյ Առամայ թագաւորին Պար-
սից, ՚ի Բագրեւանդ գաւառի ՚ի
գեւղն Բլուր, ՚ի կատարել ամսոյն

նաւասարդի , յերրորդ ժամու աւուրն պաշտաման , որ և զօր ծնընդեանն 'ի նոյն աւուր : Եւ այնպէս զամբիծ հոգինաաղմոսերգութեամբ և աղօթիւք ծերունւոյն աւանդեալ զհոգին 'ի Քրիստոս , ասէ . Ի ձեռքո յանձն առնեմ զհոգի իմ , ըստ նախավկային բանի : Ըստ նմին օրինակի և նորա ապօսարեալ զանձն և զմնացեալսն զիւր զհօան ամենապահ շնորհացն Աստուծոյ յանձն արարեալ՝ այնպէս փոխեցաւ յաշխարհէս : Զոր առեալ վաղվաղակի պարսպէին հանդերձանօք ըստ խորհրդածութեան քահանայապետութեան թաղմանն՝ իւր իսկ ձեռասուն աշակերտքն . որոյ առաջնոյն Երեմիա անուն , այր սուրբ և երկեւղած յԱստուծոյ , և այլք ընդ նմա , հանդերձ կնաւն Արդանայ Մամիկոնենի . և բարձեալ զմարմին երանելոյն բազում ամբօխիւ , եպիսկոպոսօք և քահանայիւք , սարկաւագօք և դպրօք , սաղմոսիւք և օրհնութեամբ և երգօք հոգեւորօք ամին 'ի Տարաւն գաւառ 'ի գեւղն

Յաշաիշատ . և անդ 'ի մարաիւրոսա-
կան խորանին յարկեղս սրբոցն հան-
գուցանէին զսրբոյ առն Աստուծոյ
զնշխարսն հանդերձ ամենայն սպա-
տուով . և կնքեալ քրիստոսանշան
կնքովն , և զյիշատակ սրբոյն կատա-
րեալ 'ի փառս և 'ի դովուժիւն Աս-
տուծոյ , այնուհետև յիւրաքան-
ջիւրսն դառնային . զորոյ և զտօն յի-
շատակի սրբոյն տօնախմբէն յերե-
սուն նաւասարգի ամսեանն բա-
ղում ժողովովք . և բարեխօսու-
թեամբ սուրբ հայրապետին զիւ-
րաքանջիւր օգուտ յամենեցունց
տեառնէն ընդունին :

Իսկ երանելոյ զուգականին զայս
լուեալ , զսուրբ վարդապետէն ա-
սեմ զՄեսրովբայ , արտմեալ և ար-
խրեալ լինէր , և յարտասուս ե-
ղեալ վարանէր զի 'ի նմանէ բար-
ժանուամն և զվախճան առն Աստու-
ծոյ , և զսպառումն զարմից սրբոյն
Գրիգորի . և հոգովք տարակու-
սեալ սաշարէր առ այնպիսի ա-
ղէաս . մանաւանդ զի ոչ տեսանէր
զայնպիսի զոք առ 'ի բարեպաշտու-

Թեան ջանս և առ լուսաւոր վար-
 դապետութիւնն և առ վերակացու-
 Թեան շնորհն, որ դեր 'ի վերոյ էր
 և քան զառաջինսն զիւր սուրբ
 հարսն : Յայստիկ մտախոհ եղեալ
 ողբերգական բարբառով վարանէր .
 զի ոչ զոք ունէր համաշունչ Թէ
 ընտանեբար հոգայցէ վասն հայաս-
 տանեայց . և ելա այսոցիկ ՂԱս-
 տուած յիշէր և միտիթարէր ըստ
 սաղմոսերգողին, որ արար զամե-
 նայն և փոփոխէ անհաս խմաստու-
 Թեամբ և մատակարարութեամբ :
 Եւ զինքն առաւել եւս յորդորէր 'ի
 կրօնաւորութեան կարգս, համան-
 գամայնցն յաղթող լիեալ էր կրօ-
 նաւորաց, ըստ երկնային կոչմանն
 հանդիսանալ 'ի բարձրագոյնսն շը-
 նորհօքն Քրիստոսի՝ առանց հեղ-
 դութեան : Եւ յորդորէր զամե-
 նայն աշակերտեալսն առ բարեացն
 քաջութիւնսն, և յուշ առնէր ամե-
 նայն անձին զգուշանալ ամենայն
 անձին, 'ի վարս և 'ի գնացս խոհե-
 մագոյն և հանճարեղ խրատութե-
 մինչ բազմաց խիստ և ծանր և դժ-

Ժուար համարեալ զվարուցն կրթ-
 թուածիւնան : Այլ նա զվերջինսն մո-
 ռանայր և յառաջագէմսն նկրտէր
 ծերունի հասակաւն , զմտաւ ամե-
 լով զմտաւոր վախճանն՝ ոչ տայր
 քուն աչաց և ոչ նինջ արտեւանաց
 մինչեւ ցօր կոչման ելանելոյ նորա
 յաշխարհէս :

Եւ մինչդեռ այնպէս մերձաւո-
 րացն առ իւր և զհոգեւոր եռանդն
 բորբոքէր յաստուածսիրութիւն ,
 և բազում թուղթս խրատուց ընդ
 ամենայն գաւառսն առաքէր , ան-
 դէն ՚ի նմին ամի յետ վախճանի ե-
 րանելոյն սրբոյն Սահակայ ՚ի վե-
 ցերորդ ամսեանն ՚ի տասն և յեւթ-
 մեհեկանի՝ հասանէր վախճան սրբ-
 ւոյ վարդապետին Հայոց , յԱյ-
 րարատ գաւառի ՚ի Նոր քաղաքն ,
 ՚ի նոյն հոգեկիր կրօնս , որպէս և
 յառաջագոյն ասացաք , հասանէր
 սրբոյն քրիստոսակոչ կատարումնն՝
 յետ սակաւ ինչ աւուրց հիւանդու-
 թեան : Եւ յորժամ կամեցաւ Աս-
 տուած որոշել զսուրբն ՚ի միջոյ ձե-
 ուստուն աշակերտացն և խառնել ՚ի

գունդս սրբոցն, թեթեւացեալ և
 սթափացեալ 'ի ցաւոցն, և կան-
 դնեալ նստաւ 'ի ժողովոյն միջի, և
 համբարձեալ զձեռսն հանապազա-
 տարածս յերկինս, զամենասուրբ
 զԵրրորդութիւնն օրհնէր, և յանձն
 առնէր զաշակերտեալն ամենապահ
 շնորհացն Աստուծոյ, զի կայցեն
 հաստատուն 'ի հաւատս և 'ի վարս
 ուղղութեան, և առանց գայթակ-
 ղութեան կատարեսցեն զարդարու-
 թիւն սուրբ հարց մերձաւորաց
 Քրիստոսի :

Եւ անուանք գլխաւոր աշակեր-
 տացն ժողովելոցն առ նա, են այս .
 առաջնումն Յովսէփ, և երկրոր-
 դումն Թողիկ, արք զգաստք և ըզ-
 գուշագոյնք . իսկ 'ի զինուորացն՝ ա-
 ռաջնումն Հմայեակ 'ի Մամիկո-
 նեան տոհմէն, և երկրորդին Աշ-
 հան յազգէն Ամատունեաց, որ եր'
 հազարապետ հայոց մեծաց, աս-
 տուածասէրք և երկիւղածք յԱս-
 տուծոյ : Եւ մինչգեռ ձեռք սրբոյ
 վարդապետին ընդ երկինս կարկա-
 ռեալ կար, տեսիլ սքանչելի և խա-

չանչան լուսաւոր շողաձեւ երեւեր
 'ի վերայ ապարանիցն՝ յորում ե-
 րանելին վախճանէր . զոր և ամե-
 նայն ուստեք ինքնատես լեալ և ոչ
 յրնկերէն պատմեալ : Իսկ որքոյն
 զսիրոյ և զմիաբանութեան պա-
 տուիրանն աւանդեալ, և զհեռա-
 ւորս և զմերձաւորս օրհնութեամբ
 պատկեալ, և զհաճոյական աղօթան
 հատուցեալ 'ի տէր, անդէն վաղվա-
 ղակի աւանդեաց զհոգին 'ի փառս
 ամենասուրբ Երրորդութեանն :

Զոր առեալ Հմայեկի և Վահա-
 նայ կազմութեամբ վախճանելոց,
 հանդերձ աշխարհաժողով ամբո-
 խիւ, սաղմոսիւք և օրհնութեամբ և
 երգօք հոգեւորօք, մոմեղինօք վա-
 ռելօք և ջահիւք բորբոքելովք և ա-
 նուշահոս խնկօք, և այնու խաչա-
 նչան յառաջախաղաց լուսաւոր նշա-
 նաւն՝ յԱշականն ելանէին, և անդ
 'ի մարտիրոսական յարկան հան-
 դուցանէին զսուրբ այրն Աստու-
 ծոյ, և զօրինաւոր տօն յիշատակի
 երանելոյն կատարէին : Ապանչանն
 աներեւոյթ լինէր, և նոքա յիւրա-

քանչևր տեղիս գառնային, փառա-
ւորելով և օրհնելով զԱստուած 'ի
վերայ սքանչելեացն զոր տէր եցոյց
'ի վերայ վարդապետին :

Իսկ յետ ամսոց երկից անցելոց
ըստ յաջողելոյն Աստուծոյ վահա-
նայ ամատուենոյ քրիստոսասիրի՝
կամեցաւ տաճար փառաց անուանն
Աստուծոյ շինել յանուն սրբոյ վար-
դապետին, 'ի տաշածոյ վիմաց
սքանչելապէս յօրինեալ խորանս և
գեղեցկապէս կազմեալս. և անդ 'ի
ներքսագոյն խորանին զսրբոյն հան-
դիսան առնել. և վայելուչ սպա-
սուք ոսկելով և արծաթով և ա-
կամբք պատուականօք շտուենն Աս-
տուծոյ և զսեղան կենարար մար-
մնոյ և արեանն Քրիստոսի զարդա-
րէր : Եւ զնորին աշակերան զգաստ
և բարեպաշտօն զԹողիկ սպասաւոր
նորին կացուցանէին՝ այլ եւս եղ-
բարբք՝ կատարել զհանապազորդ
պաշտօնն : Եւ որ վերակացուս
Ժողովրդեանն ըստ յայանութեան
սուրբ հարցն՝ զՅովսէփ և զՅովհան
կացուցանէին արս ճշմարտասէրս և

ողջախոհս : որոց դէպ լինէր յեա
 վախճանի սրբոցն ազգի ազգի փոր-
 ձութեանց 'ի վերայ եկելոց 'ի բըռ-
 նաւորաց , մենակուիւ մենամարտիկ
 'ի Պարսս 'ի Տիսպոլն քաղաքի վասն
 Քրիստոսի , յաղթութեամբ բազ-
 մաւ . որոց և զխոստովանողական
 անուն ժառանգեալք , 'ի նոյն վերսւ
 կացութիւնս վարդապետութեան
 դառնային յերկիրս Հայոց : Իսկ բա-
 րեացապարտն Աւհան յանկարծա-
 հաս կենաց , ասպնջական ցանկալի
 ամենայն սրբոց լինէր , որ աշխար-
 հածնունդ հայրենեացն սեպհա-
 կան որդի գտեալ շնորհօքն Քրիս-
 տոսի մերձաւոր կենացն յաւիտե-
 նից լինէր :

Եւ արդ ըստ օրինակի գրելոցս
 առ 'ի մէնջ զերանելեաց սուրբ
 հարցն զվարս և զվախճան փոքր ինչ
 պատմելով 'ի կատարումն զբանս
 ամից . ոչ եթէ 'ի հին համբաւուց
 զուրցաց տեղեկացեալ և մատենա-
 գրեալ զսա կարգեցաք , այլ որոց մե-
 ղէն իսկ ականատես կերպարանացն
 և առնթերակաց հոգեւորական

գործոց սրբոցն , և լսողք շնորհա-
 պատում վարդապետութեանն . և
 նոցին սրբոց վարդապետաց արքա-
 նեակ ըստ նոցին աւետարանական
 հրամանաց . ոչ առ սուտապատում
 յարմարեալ զբանս 'ի մեր գովու-
 թիւն զհայրենիան յարգելով , այլ
 զյաճախագոյնան թողեալ զառաքի-
 նեացն հանդէս , որ այժմ ծած-
 կեալ է 'ի Քրիստոս և յայնժամ
 ընդ նմա յայանեսցի փառօք , յոր-
 ժամ գայցէ փառաւոր լինել 'ի մեջ
 սրբոց իւրոց : Այլ սուղ ինչ 'ի նշա-
 նաւոր գիտակացն սրտամեջով՝ զհա-
 մառօտս պատմեցաք . որք ոչ մեզ է
 շահս , այլ և որք զմատեանս ընթեռ-
 նուն , յայանեսցի արանցն քաջու-
 թիւն : Քանզի և ոչ իսկ հանդուր-
 ժէաք բաւել կարել զամենայն ա-
 ըրարեալս սրբոցն գրով նշանակել
 զիւրաքանչիւրան , այլ 'ի դիւրա-
 գոյնան և 'ի հեշտագոյնան զանձինս
 սարապեսցուք , և զանցեալ զբազ-
 մախուռն արգասեօք սրբոցն առ 'ի
 մանրակրկիտան առնելոյ թողաք , և
 զկարեւորագոյնան սուղ ինչ մատե-

նադրեցաք ըստ մերում կարի, ոչ ՚ի
 պատիւ ընտրելոցն մերձաւորացն
 Քրիստոսի, որք ամենապայծառ հա-
 շատով և վարուք ծանուցեալք ե-
 ղեն, այլ յօրինակ քաջալերիչ հո-
 գեւոր ծննդոց իւրեանց, և որոց
 նոքօք աշակերտելոց իցեն զճշմար-
 տութիւն յազգս իւրեանց՝ աւան-
 դեցաւ այս, ՚ի փառս ամենասուրբ
 Երրորդութեանն Հօր և Արդւոյ և
 Հոգւոյն սրբոյ, այժմ և միշտ և յա-
 վտեանս յաւիտենից, ամէն:



ՊԱՏՄՈՒԹԻՒՆ

ՍՐԲՈՅՆ ԵՂԻՇԷԻ

Վ Ա Ր Դ Ա Պ Ե Տ Ի



ՊԱՏՄԻ վասն երանեւոյն Եղիշէի վարդապետի թէ էր զինուորեալ սրբոյն Վարդանայ և սպասաւորէր նմա , և էր հաւատարիմ յամենայն իրս աստուածայինս և մարդկային . և կեցեալ և վարժեալ բարեպաշտութեամբ և ուսումնասիրութեամբ , և ամենայն անցից անցեւոյ ընդ հայս որ ՚ի Պարսից հասին վտանգք ընդ ժամանակսն ընդայնոսիկ , խելամուտ եղեալ պատերազմաց և յաղթութեանց և հալածանաց եկեղեցւոյ և առաքինութեան և քաջութեան սրբոյն Վարդանայ , և որք ընդ նմա միաբանեալ

կատարեցան յաղագս 'ի Քրիստոս
հաւատոցն և սպակեցան՝ արհա-
մարհելով զզրագաշտական մոլորու-
թիւն մոգութեանն, միանգամայն
զեպիակոտոսացն խրատուց և զհան-
գիսից և վկայութեանց և զքահանայ-
իցն և ամենայն սրբոցն մարտան ո՛ր
մարտեան և սարտեցին զբռնաւորն
որ խրոխտացեալ էր 'ի վերայ ամե-
նայն եկեղեցեաց սրբոց : Եւ պատ-
մագրեալ զայս ամենայն և որ 'ի նո-
սա յարմարի բան և գործ, զորս
ստուգասէս երանելոյն Եղիշէի՝
զասացեալն 'ի սլատմագրոց սրբոց
Վարդանանցն է ուսանել : Ար և
այլ գիրս ստացեալ կանոնականս և
զգուշաւորս սրբոց եկեղեցւոյ և ա-
ռաւելեալ 'ի վարս արդարութեան
հաճոյ լինէր Աստուծոյ և մարդկան :

Յետ այսորիկ վարս կրօնաւորու-
թեան յանձն առնոյր և զխստամբե-
րութիւն ճգնութեան, և սլահօք և
աղօթիւք հանգիսանայր, և որսէս
յալեաց ծովու 'ի նաւահանգիստ
փութացեալ հասանէր յանասլատ,
'ի բաց լքանելով զերկրաւորս՝ ըզ-

հետ երթեալ հողեւորացն, զմտաւ
 ածելով զվարս առաջին հարցն և
 նոցա լեալ նմանող և նախանձաւոր
 նոցին վարուցն, ջանայր մտանել ընդ
 նեղ դուռնն որ տանի 'ի կեանս յա-
 շխտենից : Եւ զամենայն հանդէս
 առաքինութեան յանձին բերեալ
 որոշէր զինքն 'ի միաբանեկեցաց եղ-
 բարց, և զամայութիւն ստացեալ
 օթեվանս բնակութեան յանապատս
 առնէր. ուր առնէ այցելութիւն
 տէր սրբոց, խոտաբուտ անցուցա-
 նելով զառօրեայ կենցաղս, միայ-
 նացեալ յաղօթս, և 'ի խնդրուածս
 զցայգ և զցերեկ, ունկնդիր եղեալ
 խրատուն Պաւղոսի որ վասն սրբոցն
 սրտով շրջեցան լեշկ մաշկօք և մոր-
 թովք այծենեաց, կարօտեալք նե-
 ղեալք չարչարեալք զորս ոչ արժէ
 աշխարհս, յանապատի մտորեալք
 'ի յայրս և 'ի լերինս և 'ի փաստարս
 երկրի : Զայսպիտի վարս ստացեալ
 հանդիսանայր ընդդէմ սատանայի
 փորձութեանց աստուածային զօ-
 լութեամբն, և յամենայնի զօրաւոր
 և յաղթող եղեալ երանելին Եղի-

շէ, և բնակէր յայրի ուրեմն միշտ
 յառաջիկայսն ընթանալով, և կոչի
 այրն յանունն Եղիշէի Սուրբ այր Ե-
 ղիշէի, որ և այժմ ամենեցուն յայտ-
 նի է և վկայ ազգաց յազգս երա-
 նելւոյն: Եւ եկեալ գտանէին ըզ-
 սուրբն բացօթեայ հովիւք, և նշան
 իմն սքանչելի առ երանելոյն տե-
 սեալ հռչակէին զայրն և զտեղին:
 Իսկ նորա խոյս տուեալ՝ կամելով
 զինքն անյայտ առնել, և եկեալ
 բնակէր ՚ի դաւառին Ռշտունեաց
 յայրի ուրեմն մօտ ՚ի ծովեղերին,
 որ և նա կոչեցաւ սուրբ Եղիշէի
 այր: Եւ յետ բազում ճգնու-
 թեանց և խստամբեր վարուց, որ
 բազում ժամանակս եղեալ յա-
 ռաջնումն այրին և սակաւ ամս ՚ի
 միւսումն, յորում վախճան իսկ
 հասանէր երանելոյն: Եւ ո՞վ զայն
 քան զառնն պատմեսցէ զհանդէս
 որով եկաց և նահատակեցաւ ընդ-
 դէմ հանապազորդեան թշնամւոյն
 աղօթիւք, պահովք և սքնութեամբ
 և արտասուօք, իբրեւ զանմարմին ՚ի
 մարմնի կեցեալ և զգիւացն մարտան

վանեալ յաղթող զօրութեամբն
Քրիստոսի, որ այժմ ծածկեալ է
ընդ Քրիստոսի և յետոյ ընդ նմա
յայտնելոյ է:

Ապա եկեալ արք ոմանք գտա-
նէին զնա վախճանեալ, և յերեւ-
մանէն ծանուցեալ եթէ ծառայն
Քրիստոսի է. քանզի ոչ խակ էր
պարտ ծածկել սրբոյն երեւումնն՝
որ և զայլս ՚ի նոյն հանդէս յորդո-
րէր: Իբրեւ իրքն հռչակէր, ապա
բազում քննութիւն լինէր. յայն-
ժամ ստուգեցաւ և ծանուցաւ ա-
մենայնիւ եթէ սուրբն Եղիշէ է որ
յառաջնումն այրին բնակեալ էր ՚ի
Մոկաց գաւառին. որում շինեալ
հանգիստ մօտ ՚ի յայրն փոխէին ՚ի
տեղի հանգստեանն. յորում տեղ-
ւոջ բազում բժշկութիւնք լինին:

Եւ լուեալ զայն իշխանին Մոկաց
նախանձէր զբարւոյք նախանձ, վասն
զի ոչ հանգիստեցաւ վախճան երա-
նելոյն յիւրում աշխարհին. ապա
գայր ՚ի տեղի հանգստեանն պատ-
ճառաւ ինչ բժշկութեան և օթե-
վանս արարեալ հնարէր զամենայն

գիշերն բարեխօս ունելով զսուրբն
 առ Աստուած, զի թերեւս արժա-
 նի եղիցի առնուլ մասն ինչ 'ի նրչ-
 խարաց երանելւոյն, զի և առաջին
 տեղի բնակութեան սրբոյն սա-
 տուեացի 'ի փառս Աստուծոյ: Եւ
 յայանի ոչ իշխէր մերձենալ և առ-
 նուլ մասն ինչ 'ի նշխարացն վասն
 բնակչաց աշխարհին և նախասպեաին
 Ռչաունեաց: Ասլա գողանայր ըզ-
 բժշկութիւնն, որպէս կինն որ յա-
 ւետարանն սատմի, հատեալ ըզ-
 գլուխն և զձեռնն փախստեայ յաշ-
 խարհն իւր անկանէր, և ազաղակ
 մեծ յազագս այնորիկ լինէր. բայց
 'ի վերին տեսչութենէ շնորհացն
 խաղաղանայր. զի այնպէս հաճե-
 ցաւ Աստուած թէ և առաջին տեղի
 բնակութեան սրբոյն սատուեացի:
 Եւ բերեալ զնշխարս երանելւոյն
 շինէր վկայարան մերձ 'ի յայրն ուր
 էր առաջին բնակութիւնն, և յոր-
 գորէր սատուելով զտեղին առա-
 ւել քան զառաւել յորում էր
 վախճանեալ, յորում երեւեցան
 շնորհք մարդասիրութեանն Քրիս-

տոսի 'ի ձեռն սրբոյ Ճգնաւորին 'ի
 նմին տեղւոջ, և ընկալեալ բժշկու
 թիւն ըստ իւրաքանչիւր ցաւոց և
 որք նեղեալ էին յայսոց սղծոց . և
 ամենեքեան տային օրհնութիւն Աս
 տուծոյ, և տօն մեծ աւանդէին զօր
 կատարման երանելոյն 'ի փառս և
 'ի գովութիւն Հօր և Արդւոյ և Հո
 դւոյն սրբոյ այժմ և յաւիտեանս :



The first part of the book is devoted to a general
 introduction of the subject, and to a description of
 the various kinds of plants which are found in
 the different parts of the world. The second part
 contains a detailed account of the history and
 progress of the art of agriculture, and of the
 various improvements which have been made in
 the different parts of the world. The third part
 contains a description of the various kinds of
 animals which are found in the different parts
 of the world. The fourth part contains a
 description of the various kinds of minerals
 which are found in the different parts of the
 world. The fifth part contains a description of
 the various kinds of rocks which are found in
 the different parts of the world. The sixth part
 contains a description of the various kinds of
 fossils which are found in the different parts
 of the world. The seventh part contains a
 description of the various kinds of plants which
 are found in the different parts of the world.

The eighth part contains a description of the
 various kinds of animals which are found in
 the different parts of the world. The ninth part
 contains a description of the various kinds of
 minerals which are found in the different parts
 of the world. The tenth part contains a
 description of the various kinds of rocks which
 are found in the different parts of the world.
 The eleventh part contains a description of the
 various kinds of fossils which are found in the
 different parts of the world. The twelfth part
 contains a description of the various kinds of
 plants which are found in the different parts
 of the world. The thirteenth part contains a
 description of the various kinds of animals
 which are found in the different parts of the
 world. The fourteenth part contains a
 description of the various kinds of minerals
 which are found in the different parts of the
 world. The fifteenth part contains a
 description of the various kinds of rocks which
 are found in the different parts of the world.

Յ Ի Շ Ա Տ Ա Կ

Ս Ո Ւ Ր Բ

Հ Օ Ր Ն Թ Ա Թ Լ Ո Յ

Վ Ա Ր Ո Ս Ի Ե Ի Թ Ո Վ Մ Ա Ս Ո Ի



Ս Ո Ւ Ր Բ աշակերտք էին սուրբ հայ
րապետացն Սահակայ և Մեսրոպայ
և հեռեւողք վարուց նոցա : Եւ
յետ կատարման սրբոց Վարդա-
նանցն , եկեալ սուրբն Թաթուլ , և
աւագ եղբայրն իւր Վարոս 'ի սահ-
մանս Գաբեղենից՝ մերձ գեւղաբա-
ղաքին Կաղզուանայ , և ժողովեցան
'ի Վիշապաձոր կոչեցեալ տեղի 'ի
մէջ անհուն քարանձաւացն , յո-
րում աղբի աղբի գաղանք և վիշապ
որջացեալ էին . որք հալածեցան
անտի աղօթիւք սրբոցն . և որք մնա-
ցին գաղանք 'ի ձորն , խաղաղու-

Թիւն ստացեալ առ մարդիկ և առ
անասունս աղօթիւք սրբոցն մինչեւ
ցայսօր : Արդ կեցեալ սրբոցն մրդօք
և բանջարօք շատանային , և որպէս
Թէ յԱստուծոյ իսկ պատրաստեալ
զտեղին 'ի բնակուԹիւն իւրեանց
համարէին սուրբքն . և զսրբանուէր
աղօթս իւրեանց հանապազորդ ըստ
անմարմնոցն յերկինս առաքէին :
Պատարագ բանաւոր , զոհ անմար-
մին , ողջակէզ անկիզէլի , ընծայ բա-
նաւոր , զենումն անվախճան . ա-
նուշահոտ քան զխուենկս ստուերին .
վերնագոյն քան զօրինականն , և պա-
տուական քան զխոյս և զզուարակս ,
և զբիւրաւորս գառանց սլարարախց :

Եւ կեցեալ ժամանակս ինչ միա-
բան Աարոս եղբարբն Թաթուլիւ ,
և ստուգիւ ոչ ունիմ ասել Թէ որ-
քան . բայց վասն առաւել սիրոյն
Աստուծոյ յայլ տեղի Աարոս որո-
շեալ 'ի Թաթլոյ բնակէր 'ի զառ 'ի
միմեանց երկուցն կամաւ . զի դը-
ժուարակախ լիցի մենամարտիցն
պատերազմն ընդդէմ գիւացն , և զի
առաւել վարձուց արժանասցին 'ի

տեառնէ, և այլ զի ամոփանքն 'ի
միմեանց հատցին, և յԱստուծոյ լի-
ցին մխիթարեալք միշտ: Ուր եւս
առաւել յարուցանէր զսրտե-
րազմն յառանձնականսն հակառա-
կորդն արդարութեան. և նոքա ա-
ռաւել քաջապէս արիացեալ յաղ-
թէին մենամարտութեամբն, և առ-
նուին զօրութիւն 'ի վերին շնոր-
հացն, և տեսութիւնս անճառելիս.
մինչ զի զմեծին և զերանելոյն Ան-
տոնի զառաքինութիւնն յինքեանս
բերելով, հանապազ մարտ եղեալ
ընդ դիւացն կռուէին և յաղթէին,
և զհատուցումն բարի 'ի Քրիստոսէ
ընդունէին: Մինչ զի խաւար մե-
ղացն բնաւ ոչ կարաց հասանել
լուսաւոր կարգաց և կրօնից սրբոցն.
և այսպէս կրօնաւորեալ բազում
ժամանակս անյայտ 'ի մարդկանէ,
և ապա յետոյ յայանեցաւ յորսոր-
դաց սուրբն թաթուլ. և համբաւն
հռչակեալ ընդ գաւառս աշխար-
հին, որ փութով մարդիկ անդր
հասանէին 'ի տեղիս սուրբ ճգնա-
ւորին թաթուլոյ: Եւ անդէն վաղ-

վաղակի հիմնարկեալ շինեցին եկեղեցի, և խուցս ճգնաւորաց սրատշաճաբար, և արարին վանս միաբանակեցաց, որ մինչեւ ցայսօր կոչի թաթլոյ վանք:

Եւ ոմն յեղբարցն որ ժողովեցան առ նա, յարեցաւ ՚ի սուրբն թաթուլ, որ սպասաւորէր նմա և ոչ մեկնէր ՚ի նմանէ, յոյժ բարեսէր աստուածասպաշտ, և երկեւղած, հեղ և խոնարհ, և հնազանդ ամենեցուն յամենայն իրս՝ որոյ անուն էր թումաս: Նա լինէր հետեւող մեծին թաթլոյ՝ կարգաց և կրօնից խստամբերութեան. և տեսեալ զառաջադիմութիւնն թումասու սուրբն թաթուլ, հաստատեաց զնա առաջնորդ վանացն ՚ի տեղի իւր, և ինքն գնաց ՚ի տեղին որ Մայրուձոր կոչեն. և անդ որպէս զանմարմին զառանձնական հանդէսն իւր կատարէր. և հասեալ ՚ի բարիօք ծերութիւն փոխեցաւ յաշխարհէս ՚ի նոյն մենարանին Մայրոյ ձորոյ: Եւ անտի բարձին զսուրբ մարմինն երանելոյն և տարեալ ՚ի վանսն հան-

դուցին ըստ արժանեացն մեծաւ սրատուով : Իսկ Թումաս մեծաւ ճգնութեամբ կեցեալ ըստ խրատու և վարուց սուրբ հօրն Թաթլոյ, և յետ ամաց ինչ և նա վախճանեցաւ նոյն բարի վարուքն, և եղաւ մերձ սուրբ հօրն Թաթլոյ :

Իսկ սուրբն Վարոս երեց եղբայրն Թաթլոյ որ յետոյ Գիւտ կոչեցաւ, բնակեցաւ յանձաւս լերինս որ կոչի Գիցմայրի, խոտաբուտ եղեալ և վայրի մրգօք շատանայր ժամանակս բազումս . մինչեւ դաեալ զնա արք ոմանք ըստ խնամոցն Աստուծոյ, և խնդութեամբ լցեալ՝ անուանեցին զնա Գիւտ . այլ և զտեղի նորա շինեցին վանք, որ մինչեւ յայսօր կոչի Գիւտի վանք . որ և անդ եւս բազմացան կրօնաւորք և փառաբանիչք Աստուծոյ : Եւ նա եւս հասեալ ՚ի բարւոք ծերութեան փոխեցաւ յաշխարհէս յանանց և յանզրաւ կեանս ՚ի փառս Քրիստոսի Աստուծոյ մերոյ :

ՍՈՒՐԲ ՀԱՅՐՆ ԹԱԹՈՒԼ

ԱՌԱՋՆՈՐԴ ԿԱՑՈՅՑ

ՋԹՈՒՄԱՍ ԱՇԱԿԵՐՏՆ ԻԻՐ

ՎԱՆԱՑ ԻԻՐՈՑ

ԵՒ ԽՐԱՏ ԵՏ ՆՄԱ

ՋԱՅՍ ԲԱՆՍ



ՈՐԴԵԱԿ իմ Թուամաս, այսօր կո-
 չեաց զքեզ Հոգին սուրբ յառաջ
 նորդու թիւն եղբարց քոց . արդ-
 երկայնամիտ լեր և ողորմած ըստ
 նմանութեան Հօրն երկնաւորի, զի
 շահել կարասցես զեղբարսդ քո և
 դու սասակիս 'ի Քրիստոսէ, որպէս
 յանունդ ես կոչեցեալ, նոյնպէս և
 'ի գործդ լեր: Լուր սուրբ առա-
 քելոյն Պաւղոսի 'ի խրատել զաշա-
 կերտան իւր ասէր. ամենեցունց
 հիւանդութեամբ ինքն վշտանայր,
 և որպէս հրով այրէր դառնա-
 կակիծ աղէտիւ: Աշակերտ ես եր-
 կնաւոր Հօրն, նման լեր նմա: Հայր
 հասարակաց ես, և 'ի գործոյն մի
 վերջանայր: Ամենայն բարեձեւու-
 թեանց օրինակ զքեզ ցոյց եղ-
 բարցն. վարդապետութեամբ խրա-
 տեա, սիրով մխիթարեա, յուսով

դարմանեա . վարդապետին վկայ՝
 դործքն է , և առաջնորդին՝ հաս-
 տատութիւնն : Հաստատ կաց և եր-
 կայնամիտ լեր ամենայն սխալանաց
 եղբարցն՝ ՚ի բանս և ՚ի դործս :
 Բայց կամապաշտիցն ամենեւին մի
 անսար , և ոչ սակաւ մի , ղի օտար է
 ՚ի մարմնոյն Քրիստոսի , և չէ ՚ի
 դործ Աստուծոյ եկեալ : Արդեակ ,
 զոր ինչ յեղբարցն պահանջես՝
 զայն ՚ի քեզ ցոյց : Սակաւ խօսեաց
 և յոլով արդիւնացո , քարոզ՝ ըզ-
 դործքդ ցոյց : Առաջնորդն ծնող է
 և բժիշկ , և հիւանդացեալն կարօտ է
 սիրոյ և ասողջութեան : Արդեակ ,
 որ սխալէ և չէ իւր սովորութիւն՝
 մի պատժեր . զմանկագոյնսն ՚ի
 հնազանդութիւն կրթեա և յաշ-
 խատութիւն . զծերսն ՚ի սաղմոս-
 երգութիւն և ՚ի ձեռագործս . և
 ՚ի բանս խրատու առ մանկագոյնսն :
 Հողեւոր առաջնորդն աստուա-
 ծային հուր է լուսաւորիչ մաքրիչ և
 ջեռուցիչ . զսպականարար ախտն
 այրէ , զգիջութիւնն ցամաքեցուցա-
 նէ , կրօնաւորական հանդիսիւ քննէ

և որպէս զոսկի 'ի բովս՝ անաղտ
 սրբութեամբ զեղբարսն Աստուծոյ
 ընծայէ, և ինքն թագաւորէ 'ի վե-
 րայ տասն քաղաքաց, հողեւոր ցա-
 ւակցութեամբն բժշկէ: Միս և դի-
 նի կրօնաւորաց ոչ է ուտելի, այլ
 ճաշակելի է որոյ պէտք են: Որ
 յախտ հիւանդութեան անկանի՝ ըզ-
 բնական կարգն թուլացո, և զսովո-
 րական դարմանն ըստ պիտոյիցն ա-
 ռատացո: Յաւելորդին մի անսար՝
 որ չէ մեր: Պիտոյ է ժուժկալել որ-
 չափ հնար է, յուսով աղօթել, հա-
 շատով աշխատել, գոհութեամբ
 ճաշակել: Որդեակ, նզովս մի ելցէ
 'ի բերանոյ քո, թէպէտ և եղբայր
 է կամ որդի 'ի մի մահիճս մի ննջես-
 ցեն: Որ խէթ ունիցի 'ի մտի չէ
 սլարտ աղօթել, ոչ ճաշակել և ոչ
 ննջել: Որ երդնու զոր չէ մեղօրէն,
 արաքոյ սրբութեանց լիցի ըստ ջա-
 փոյ: Մի խառներ ընդ խրատն բար-
 կութիւն, զի մի ընկղմեսցի սխա-
 լեալ եղբայրն 'ի բարկութենէ խրա-
 տուն: Աստուածասէրն իւր մտացն
 և խորհրդոցն և կամացն որպէս թըշ-

նամւոյ զգուշանայ : Որդեակ , յոր-
 ժամ 'ի մահիճսն քնոյ ելանես ,
 այնպէս համարեա թէ 'ի գերեզ-
 ման իջանես : Հալածեա զխոր-
 հուրդս և զբանս , որք 'ի սնտախ
 ընթանան : Բեւեռեա զքեզ յեր-
 կեւղն Աստուծոյ , և ած զմտաւ
 զերկեւզ դատաստանին . երկեւղիւ
 ննջեա , և զարթուցեալ՝ օրհնեա
 զԱստուած , և գոհացիր զԱստու-
 ծոյ , որ սահեաց զքեզ 'ի գիշերային
 խաւարասէր չարէն : Փութացիր 'ի
 տեղի աղօթիցն , և ծնրադրեա ե-
 րիցս անգամ , և աւելի . և ապա 'ի
 ծունկս անկեալ , և զերեսդ 'ի յեր-
 կիր եդեալ , հայցեա քեզ օգնու-
 թիւն յԱստուծայ , և ապա սկսիր
 զկանոնեալ սաղմոսն : Աղաչեա
 զԱստուած բանալ զբերանդ , և
 բարբառել զայն զոր սիրէ Աս-
 տուած : Մի սղտորեր զխորհուրդ
 սրախ քո . մի ընդարձակեր զբանսդ ,
 մի թողացուցաներ զձեռսդ : Մի
 դառնայր յարեւմուտս որ չէ քեզ
 սահման : Մի սրարարեր զակնդ շըր-
 ջածութեամբ : Զբողոր զգայա-

րանսդ պնդակազմ քաջութեամբ
 պնդեալ վառեա : Այլ և զբովան-
 դակ եղբայրութիւնդ քաջալերու-
 թեամբ զինեա : Քաջ է պատե-
 րազմ, և որք յաղթենն՝ պսակին :
 Թոյլքն և անարիքն ոչ պատերազ-
 մին . ոչ յաղթեն և ոչ պսակին :
 Որդեակ, իշխանութեամբ մի վա-
 րիր առ եղբարսն, և զոր դու ոչ
 կարես տունել, զայն յեղբարցն մի
 պահանջեր . զմի ոք միայն մի առա-
 քեր ՚ի վանացն ՚ի բան, այլ երկու .
 զի վայէ զմինն ՚ի ճանապարհին . ե-
 թէ գլորեսցի ո՞վ կանգնեսցէ զնա .
 զի շատ մնասք լինին միոյն : Եղբայր
 ոք որ ախտանայ հոգով թէսկա և
 բազում բժշկութեան սկստս ունի՝
 ՚ի սրբութենէն միայն արդեւ . և այլ
 ամենայն կարգն ընդ եղբարսն լի-
 ցի : Երկեւղածն ՚ի սիրոյն առաւել
 պատկառի քան ՚ի սրտուհատէն :
 Զգեսան որպէս և հանդիպի . և
 չափն որ զվտանգսն բառնայ : Զոր
 դու յեղբարցն պահանջես, ծերոցն
 զնոյն հատո . զի մի յանկանիցիս
 յերկնաւոր շնորհացն զկամսդ քո

պաշտելով: Չպատարագին աղօթան
 և զերեկոյինն՝ պարասկեցո զձեռսդ
 քո յաշխատութենէ: Որ դոհու-
 թեամբ աշխատին՝ արժանի են
 սուրբ խորհրդեանն. և տրանջողն
 բնաւ խի ոչ: Որդեակ, յորժամ
 եղբայր քո ստահակեացի, մի ան-
 փոյթ առնէր զնորա կորստեամբն:
 Համբերեա նորա չար վարուցն և
 ատելի գործոցն. որպէս և քո
 պարզ հոգիդ ախտակից մարմնոյդ
 լինի: Մի բաւական համարիր զհամ-
 բերելն, այլ ձեռն տուր և ջանա
 յարուցանել զնա, և յաղօթելն ար-
 տասուեա վասն նորա: Աստահեմ
 ՚ի հոգին սուրբ որ առատացոյց յա-
 ռաքեալսն զնորհան իւր, նոյնպէս
 և ՚ի քեզ հեղցէ. զի և դու զգործս
 տեառն գործեացես: Չեմք հեռի ՚ի
 միմեանց, այլ հանապազ տեսանեմք
 զմիմեանս. և Աստուած զմեզ տե-
 սանէ և զեղբարսդ ամենայն: Եւ
 զոր պակասութիւն գիտես ՚ի քեզ
 զայն հնազանդութիւնն ընու: Չի
 զճանապարհս որ ընդ աջմէն գիտե-
 տէր և ճանաչէ. երթ, և տէր եղիցի

ընդ քեզ : Ձոր ասացի քեզ , որ
դեակ , համառօտ բանիւ աւարտեմ :
Ձսէր և զերկայնամտութիւն բնու-
թիւն արա քեզ , և զերկեւղն Աս-
տուծոյ դործակից . և զամենայն ա-
ռաքինութիւն դիւրաւ կատարես :

Ձայս խրատ առեալ երանելին
Թումաս 'ի սուրբ հօրէն Թաթլոյ
'ի յանասպատին , և դնացեալ 'ի
վանս իւր՝ ամենայն բարեձեւու-
թեամբ զարդարէր զմիաբանս սուրբ
ուխտին , բնակեցուցանելով 'ի նմա
զբազմութիւն եղբարց միաբանից :
Եւ կեցեալ ինքն հրեշտակակրօն
վարուք ամս բազումս , և հասեալ
'ի բարւոք ծերութիւն , և խաղա-
ղութեամբ հանգեաւ 'ի Քրիստոս :



Յ Ա Ն Կ

ԺԱ . ՀԱՏՈՐՈՅ

Պատմութիւն վարուց երանել լոյ սուրբ վարդապետին Մեսրովբայ	5
Պատմութիւն սրբոյն Եղիշէի վարդապետի	39
Յիշատակ սուրբ հօրն թաթլոյ, Վարոսի և թովմասու	47
Բանք խրատու հօրն թաթլոյ աշակերտին իւրում թովմա սու	53

